

أحلام قلبين

ما بين قلبي وبين قلبك..

بحور وبحور

مراكب قلبنا تحبي

بلا مجاديف.. شراع مبتور

تمررنا.. ما بين الموجه.. والموجه

ف حلم كفيف

شراع قلبي عملته توب

بيحمينا من النوات

نداري بيه ضلام ليلنا

ونتغطي ف عز الفجر بالأحلام

وليه يا حلمنا المكشوف

بتدّي الخوف عناوينًا

وليه.. كل الدروب بيتنا

ضباب بيطوف... على شوفنا

سنين مخنوقه... بالممكن... وبالممنوع

سنين ضلّمة تكعبنا . توقعنا....

على سكه مافيها شموع

ده غير الحزن والحسره

على أيام ماليها رجوع

وعدّى ع السنين عمري

فَرَش غيمة على صدري

وقال دي نهاية الرحلة

بحور لَمَّا عبرناها

مايوم.... قابلتنا نهايتها

وجوّه هوجة الأمواج

رمينا فيها قصتنا و..

حكايتنا دي دوامه

لكل مراكب العاشقين

وبنقول مين هايبعد عنا أحزاننا ؟

وأيامنا يبذلها

لفرحة ونجمة في العالي

بتتبسم ف قلب الليل

....